

## KE ICI NOSANETATC KA OKIMAKETC

KA KICE TIPERITAK KIPEK OKIMAKEWINIW KI TIPATCIMIKOWAW KITIRISOWANIWARIW OTCI.

### KI KA KI IA OKIMAKANAWAW?

Kitci ki okimakeekw, arimatc ki ka masinasonawaw okimake irini masinahikanik kaie arimatc misiwe anihni ki ka takickakonawaw:

- Kitci 18 tato piponesiekw matci kaie awacamec;
- Kanata askik kitci otciekw;
- Kipek askik kitci tacieekw esko nikotwaso pisimwa.

### KI MASINASONAWAW A OKIMAKE IRINI MASINAHIKANIK?

Ki ka ki nanakatitanawaw epitc masinasowekwen otitakowekwe kimikiwamiwak tipatcimo masinahikan.

### TAN KE KI TOTAMEKW KITCI KI MASINASOWEKW OKIMAKE IRINI MASINAHIKANIK?

Arimatc ki ka icanawaw masinahikewokamikok ka ici meckotasinahitisonaniwok kitci nta kokweticemowekw kitci masinasowekw kekotc kitci meckotasinasowekw okimake irini masinahikanik. Kitcirowemakaniwaw, kinapemiwaw, kitiskwemiwaw matci kaie awik ka witci tacikemitakw ki ka ki icitichawaw kitci atotekw.

Arimatc nicw karo ki ka wapatarowanawaw kecpin nta masinahotisowekwe, matci meka ki ka anawetakowinawaw.

### NICTAM MASINAHIKAN

Nictam masinahikan, kata masinatew e icinikasowekw acitc apitc ka nitawikiekw.

**Mitowi:** Sikahataso masinahikan, akosi karo, Kanata karo(passeport).

### KOTAK MASINAHIKAN

Kotak masinahikan, kata masinatew e icinikasowekw acitc ite e tacieekw.

**Mitowi:** Mipariticke karo, takapikenikan masinahikan kekotc onimiskickoteapi masinahikan.

### TANTE E ACTEK MASINAHIKEWOKAMIKW KA ICI MECKOTASINAHITISONANIWOK?

Ite e ici actek, apitc kicikake acitc tato tipahikaneake ke cenikatek masinahikewokamikw ka ici meckotasinahitisonaniwok, kata masinatew neta tipatcimo masinahikanik ke otitakowekw kimikiwamiwak.

### KATA IA NI RIKITAKANIWON

Acici ickwaparini meckotasinahitisonawaw, ki wi tca kokweticemowekw kitci masinahotisowekw kekotc kitci meckotasinahitisonawaw okimake irini masinahikanik? Takapikenikekw okimake arotakan omasinahikewokamikok. Ki ka tipatcimikowinawaw apitc mia minawatc meckotasinahitisonaniwoke kirika ite ke ici icaekw. Ani tca apitc totcicateke, **wiricike okimake iriniw** kata ki nataweritam kitci masinahwakaniwitc.

**KICTERITAKON! Ickwa acotasinahotisowekwe ani apitc, nama ki ka ki nikani okimakanawaw, patama mia okimake kicikake.**

### TANTE ACITC TAN APITC KE NTA ICI OKIMAKEIKW?

Epwamoci okimakanawaw ki ka otitakonawaw karo e wicamikoiekw kitci nta okimakeiekw acitc kitci masinatek kaskina ke ici nosanetaiekw e aitotcicatek e okimakanawaw acitc kata masinaso anahwe neta itekera kitacikewiniwak ka masinasotc ke okimakatakaniwitc.

### NAMA IA KI KACKITANAWAW MIA IRIKIE E ACTEK KITCI OKIMAKEIEKW? MITCENO MATCI KE KI TOTAMEKW?

- Matci ki ka ki nikan okimakanawaw. Takon masinahikan ka ki nikan icitichamakoiekw e masinatek ke ki totamekw acitc e masinatek ite ke icaekw apitc iririk e cenikatek anihni okimake masinahikewokamikwa.

### WARAWIK IA KI ICI TACIKANAWAW ?

Pitoc ki ici oractakaniwon kice okimakewin warawik ka ici takoki nehirowisi otenawa.

### Anihni tca ka ki ici oractakaniwoki, kitci ki ni miroparik :

- Nataweritcicateke meckotasinahitisonawaw mekwatc nihe totcicateke, matci kitci apatakpan takapikesinahikan ;
- Matci kitci nikani okimakanawaw, masinahamatowin kitci apatakpan ;
- Matci kitci wiritisowekw, takapikesinahikan kitci apatcicaekw.

Pe takapikenamacinan kitci ki nanakatitanawaw epitc kotenamiwaw itactekwen ani kitci ki ici oractatcicatek matci icakw nipamikicikwepatcikaninawaw neta tca kitci « Modalités pour les régions éloignées ».

- Matci kaie ki ka icanawaw mia neta ka ici acterik kice okimakewiniw ka mitatc omasinahikewokamikw. Takon e masinaterik pamikicikopitcikanik ite ke ici natawapamakaniwitc.
- Kecpin tepirak nakisk pitoc wiec e patacikein mia aci e okimakanawaw peikon ki ka ki nta okimakan misawatc aka nte mia e ici masinasoin e pa aitacikein. Aniki tca ka masinasotcic ka wi okimakatikositcic kitacekewiniwak ki ka masinahowawok.
- Aitakono kaie kotakahi wiec matci ke ki icain mitowi kitci kiskonohamatokamikwa.

### TAN KE TOTAMEKW E OKIMAKEEKW?

#### Nictam

**ke totamekw** Okimake arotakanak kata nanakatitawokw kiticinikasowiniwaw okimake irini masinahikanik.

**2 ke totamekw** Ki ka wiritisonawaw kirika ki ka wapatarowanawaw kikaromiwaw.

**3 ke totamekw** Ki ka mirokowanawaw kice okimake masinahikanicic.

**4 ke totamekw** Nakewar ki ka icanawaw kitci nta masinahwekw anaha ke kice okimakatekw. Tepirak peikw ki ka masinahwawaw masinahikanatikw ki ka totenawaw ke miritakw okimake arotakan.

**5 ke totamekw** E ickwa okimakeekw, ki ka koski kiwanawaw mitcisowanawaw ite e ici apitcic okimake arotakanak.

**6 ke totamekw** Kirawaw tipirowe ki ka pitahenawaw okimake masinahikanicic pwetek.

### KICTERITAKON!

**Kitci ki okimakeekw, arimatc ki ka witenawaw e icinikasowekw kitci wapataroweekw anihne peikw masinahikan:**

- Akosi karo;
- Mipariticke karo;
- Kanata pamipariwe karo(passeport);
- Nehirowisi karo;
- Cimaanici karo.

### TAKON IA KOTAK KE KI TOTCICATEK E OKIMAKANIWOK?

Ehe, takon kotakahi e aitotcicateki aniki ka okimaketcik :

- Kecpin nakisk e matcaian ota kepek askik;
- Aka e kackitcic kitci orowitcic omikiwamiwak kekotc anihni ka mihikotcic kepin neta omikiwamiwak e tacikeritci;
- Kecpin akosiwikamikok e taciketc kekotc ka ici kanaweritakositcic akosikanak taciekw. Peikon kaie ka kiceatisitcic ka ici kanawerimakanawaw.

Kecpin takwe kotak awik e kiskerimatc ni e mekwata e icinakositc aka e miroparinik kitci nta okimaketc.

**Ekoci wipitcikan tipatcimoctakeikw osam anihni ka nataweritcicateki kitci mockinesinahikateki actew wipitcikan kitci takocipariki neta ka ici mitakaniwoki.**

### TAKON IA KOKWETCIKEMOWIN?

- Icakw neta nipamikicikopitcikaninawaw: [www.elections.quebec](http://www.elections.quebec).
- Takapikenamacinan aka wiec ka ici itakitakok: **1 888 ÉLECTION (1 888 353-2846)**.
- Masinahamacinan neta: [info@electionsquebec.qc.ca](mailto:info@electionsquebec.qc.ca).